

دي حقيقتك

في الحياة بنشوف مواقف
فيها بتبان المعادين
تلقي نفسك فيها شايف
إلي عُمره ما كانش باين

فيها بتبان الحقيقة
إلي أيامنا .. داريتها
والي كانت يوم بريئة
يطلع الغدر .. هوايتها

ياما قُلتِي و ياما عدتي
إنَّ إخلاصك أكيد
و أنك انتي واقفة جنبي
مهما يحصل شيء جديد

كانت الأيام سعيدة
والحياة حلوة ف عينينا
كل يوم أحلام جديدة
والسما مفتوحة لينا

فجأة تبدّل ظروفي
والقى فيكي طبع تاني
بعد أمني يبجي خوفي
وانتي بتزيدي ف هواني

فيّا ظهرتلك عيوب
عُمري يوم ما سمعت عنها
ولقتيلي كتير ذنوب
كُنّتي ساكتة وشايلة منها

هُوّا فين .. راح فين وفائك..
إلي ياما جِلفتي بيه؟
والي دايمًا كان كلامك..
كُلّه بياكُد عليه؟

هُوَ لَمَّا الْحَظ فَاتَنِي ..
إِلَيَّ بَيْنًا عَلَيَّ هَايِن ؟
وَالْقَى أَقْرَبَ حَدِّ مَنِّي ..
كَانَ أَسَاسًا حَدِّ خَايِن ؟

الْحَقِيقَةُ أَنِي اتَّصَدَمْتُ
عُمْرِي مَا اسْتَنْتَيْتَ دَا مَنَّكَ
بَسْ بَرْدُوا أَكِيدُ عَرَفْتُ
إِنَّ هَيْهَ .. دِي حَقِيقَتِكَ

إِلَيَّ مِشْ دَائِمًا مَعَايَا
فِي الْحَلَاوَةِ وَفِي الْمَرَارَةِ
لَوْ خَسَرْتُهُ .. مِشْ حِكَايَةَ
تَبَقَى دِي أَحْسَنَ خَسَارَةَ.